

# kontuola

**KONTUOLA, Idolaz elkarte, ANTZUOLA. Kazetaria:** Marijo Deogracias **Maketazioa:** Iñaki Iturbe **Publizitatea:** Kristina Romero **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 24 zenbakia. 1998ko urriaren 23a.

## Uso pasea zabalik hilabetez

### 37 ehiza-postu ipini eta zozkatu dira Gorla-Trekutz inguruan

**Hemezortzi bat urte daramate Eperra Ehiza Elkarteko kideek ehiza postuak ipintzen. Ehiza elkarteko lehendakariak, Jesus Odriozolak, adierazi digunez "ordura arte, orain 37 postu dauden lekuan 150 bat lagun aritzen ziren ehizan inongo kontrolik gabe eta istripu bat baino gehiago izan genuen. Inguru horretan jende asko ibiltzen da oinez eta ez zen batere segurua ehiztariak aritzen ziren bezala jarraitzea. Hori dela eta, postuak legeztatu ziren eta Ehiza Federazioaren eta Aldundiaren arauetara moldatuz gaur egun postu kontrolatuak jartzen dira".**



**U**rriaren 9an zozkatu ziren ehiza postuak Eperra Elkartean. Bazkide diren 80 ehiztariak hilabetez arituko dira uso pasean. Dena legearen barruan egiten duten arren, ehiztariak arazoak izaten dituzte urtero egun hauean. Aurten ere, eta bi postu ipinita zituztenean, horietako bat bota egin zieten. "Urtero apurtzen dizkigute. laz eta orain dela bi urte denak bota zizkiguten. Horrek gastu ekonomiko handia eragiten digu eta egunen batean ezingo diogu aurre egin horri". Jesusen iritziz "ehiztarien aurkako salaketaren bat, manifestazioak eta horrelakoak egin nahi dituenak egin ditzala, baina postuak botatzen lortuko duten bakarra atzera lehengora itzultzea izango da. Nik galdera bat egingo nieke: zer da hobe lehengoa edo oraingoa?". Bere ustez, egunen batean Eperrak ezingo ditu postuak ipini eta orduan ehiztari bakoitzak bere kasa jardungo du inongo kontrolik gabe.

Ehiza postuak botatzearekin batera behin baino gehiagotan kartutxoak eta antzerakoak aurkitu izan dira postuen ondoan. Jesus Odriozolari, ordea, horrek ez dio beldurrik ematen. "Jakin badakigu beste leku batzuetatik jasotako kartutxo azalak izaten direla eta guri irudi txarra emateko botatzen dituztela gu aritzen garen inguruetan. Ehiztariak ere bagoaz

ikasiaz hondarrak jaso behar direla eta gure zikinak jasotzen; ez bakarrik postuetan gaudenean, bestela ere bai. Poli-ki-poliki baina jendea ohitzen doa".

#### Ingurutako ehiza

Uso paseaz gain ehiza irteerak ere antolatzen dituzte ehiztariak. Aze- →



Eperra Elkarteko kideak ehizan egindako zenbait piezarekin.

*"Ehiztarien aurkako salaketak, manifestazioak eta horrelakoak egin nahi dituenak egin ditzala"*

JESUS ODRIUZOLA



## Urriak 25: Lizarratik Zanudiora



**Gotzon  
Iparragirre**

Joan zan irai-  
lian Lizarran  
zenbait alderdi  
politikok hartu-  
tako erabakixak  
atzera bueltarik  
ez daukan bide  
berrixak urratze-  
ko balioko da-  
ben itxaropen  
osua daukat.

Sortu zittuan espektatibei ezin ja-  
kue bizkarrik emon.

Alkari muturka urtetan ibili di-  
ranak dokumentu adostu bat firma-  
tzeko gai izatiak herri honetako as-  
koren gain bizi poza bera be gehitu  
dabela esango nuke. Atia, eta ez  
nolanahikua gainera zabaldu jaku.  
Eta zer pasauko lehenengo ate ho-  
rretatik, eta XXI. mendeko: Bai eus-  
karari kanpainia. Berau, Zamudion  
hil honen 3an izandako saiuan aur-  
keztu zan. Han izan ginanoi barruan  
zeozer mobidu jakun; akordauko za-  
rete "...eta bai, eta bai nik euskarari  
bai ta bai....", San Mameseko jai-  
aldi ikaragarria,.....20 urte badira  
hartatik.

Aurtengo udazkenian egingo  
dan kapainiakin espiritu (zenbat es-  
piritu gaur egungo gizartian) hari  
heldu nahi jako, euskerian normal-  
kuntziaz bultzada formala emoteko.  
Horra ba politikuak gizartiaz eskini-  
ttako akordixua batetik, eta gizar-  
tiak politikuei egingo jauen eskaeria  
bestetik bixak momentu berian dan-  
tzan. Emon deixogun ba partitura  
formala dantza horri. Urriak 25ian  
be, bai Lizarrari, bai Zamudiori eta  
BAI EUSKARARI!

→ riak eta basurdeak ehi-  
zatzeko izaten dira irteera  
hauek. Elosu, Bergara eta  
Antzuola inguruetan urtero  
hiru edo lau talderen artean  
60 bat azeri ehizatzen dira.  
Basurdeak ere ikusi izan di-  
ra inguruetan. Joan zen as-  
tean esate baterako Saras-  
keta baserriko artoa jaten  
zuen basurdea harrapatu zu-  
ten.

Hala ere, badira orain-  
dik ehizatu ezin izan dituz-  
ten beste basurde batzuk.  
Etxezurikoek San Blasen du-  
ten artasoro inguruan eta  
Iralatorren eta Altamira ba-  
serrietan dabiltzanak, hain  
zuzen ere.

Antzuolatik ere irtetzen  
dira herriko ehiztariak basur-  
deak ehizatzen. Eperrakoak  
Errioxan dagoen Camerose-  
ko erreserban aritzen dira eta Oskara  
(Huesca) ere joan ohi dira.

### Erbiak ugaltzen

Joan zen abuztuan laga zituzten as-  
ke lehenengo erbiak eta orain beste 34  
ekarri dituzte San Martzialen jarri duten  
itxiturara. Jesus Odriozolak azaldu digu-  
nez "inguruetan ez zegoen erbirik. Nik  
esango nuke orain dela 35 urte ez dela  
erbirik ikusten. Oñatiko ehiztarien eki-  
mena ondo atera zela ikusi ondoren Al-  
dundiarekin eta Federazioarekin harre-  
manetan jarri ginen. EKOS enpresakoek  
erbiak kontrolatzen dituzte eta hilabete  
barru edo aske lagako ditugu. Lehen ere  
izan genituen erbiak, orain dela 14 urte



*San Martzialen 34 erbi dituzte Eperrakoak*

edo, baina ez zirenez hemengoak ez zen  
ondo atera. Oraingoak Altsasutik ekarri  
ditugu. Gaur egun erabat debekaturik  
dago erbiak ehizatzea eta horrela izango  
da erbiak ugaltu artean, behintzat".

### Ehiztari txapeldunak

Orain dela hilabete Zanbranan izan  
ziren herriko txapelketa jokatzeko, Coto  
del Castillon. Lehen Antzuolan antola-  
tzen zuten baina bi urte daramate Coto  
del Castillon egiten. Txapelketako garai-  
leek zonaldeko txapelketa jokatu zuten  
eta irabazleek Gipuzkoakoan arituko di-  
ra: seniorretan Iñaki Toledo, juniorretan  
Josu Odriozola, eta jubilatuetan Bitoria-  
no Barrena "Altamira" eta Txomin Lete.

*Erabat debekaturik dago erbiak ehizatzea eta  
horrela izango da erbiak ugaltu artean*

**GOROSTI**  
**Taberna**

☎ 943 76 62 96  
Zurrategi plaza ANTZUOLA



**MUEBLES  
IGEA**

Zurrategi plaza 4, behea ANTZUOLA Tf. eta faxa 943 78 71 80

Sukalderako eta  
bainurako altzariak  
Aldizari rustikoetan  
espezializatuak





**Bakea nahi izatea  
ez da nahikoa.  
Ekinaren ekinaz  
lortu behar dugu.**



*Joseba Egibar*

*Juan Jose Ibarretxe  
Lehendakariako Hautagaia*

## **Asko da egiteko daukaguna.**

*Bakea egiteak eta adiskidetzak elkarrizketa eta tolerantzia*

*esan nahi dute. Eta hitz egitea eta elkar ulertzea dira ditugur*

*arma bakarrak horretarako. Ideia guztiak lasai eztabaidatzeko garaia da, etorkizuna kontutan izanda*

*denon partehartzearekin bultzatuko dugun bake-proposamen zehatza eta adiskidetzekoa eginez*

*Irtenbideren bat badagoela sinesten badugu, aurkituko dugu. Horregatik, botoa emateaz gain zeoze*

*gehiago behar dugu. Zure ilusioa alegia.*



[www.ibarretxe.com](http://www.ibarretxe.com)



# Eskerrik

MINER  
ardak

*Larrañaga*  
BANATZAILEA



QUESERIA  
EL PASTOR VASCO

**Bergarako Udala**



**Artzamendi eraikuntzak**



**Lacor**



**Artatse elkarte**

**Urbieta iturgintza**



**Zabaleta errotuloak**



**Lasa jatetxea**



**Zumelaga jatetxea**



# asko



*BEDELKAR-eko  
harakinon izenean:*

**Urcelay**

**Jose Luis Leturia**

**Jabier Lazpiur**

**L.M. Rezola**

**J.M. Zurutuza**

**Josu Leturia**

**Jon Leturia**

**Sebastian Imaz**

**Igarza**



**Antxoni jatetxea**



**Agirrebeña jatetxea**



**Azpeitxi jatetxea**



**Egon kafetegia**

**XAMATZ**

**dantza taldea**



**ARITZETA**

**abesbatza**



# KARATE FEDERATUA ETA ESGRIMA GIARTZU GIMNASIOAN



Marisabel Hurtadok zuzentzen duen Giartzu gimnasioak, urteroko karate-ikastaroa eskaintzen du, aurten eskola kirolaren bitartez bideratua. Bestalde, lehen aldiz, esgrima ikastaroa ere badago.

## KARATE FEDERATUA

**BERRIGARA.** Karatea kirola da?

**Marisabel Hurtado.** Karatea arte bat izateaz gain, oso kirol osoa da. Txinan garatu zen, geroxeago Okinawa irlan kokatu eta poliki-poliki estilo ezberdinetan mundu guztira zabaldu zen.

**B.** Zer aportatzen digu eta zeintzuk dira kirol honen abantaila nagusiak?

**M. H.** Karateak abantaila fisiko zein moral garrantzitsuak ematen dizkigu: izaera gogortzea, segurtasuna, autokontrola eta erresistentzia. Kirolariek inolako arriskurik gabe egiten dute borrokan. Karateka baten lehenengo eginkizuna aurkaria ez lesionatzea da. Horregatik, beharrezkoa da aurkaria ez ikutzea, kolpeak eta karate konbinazioak aurkariaren gorputzetik milimetro batzuetara geldiaraztea.

**B.** Zein adin eta sexutako jendeak praktikatzen du?

**M. H.** Giartzun, momentu honetan, karatea 5 urtetik 15 urte bitartera planifikatua dago (aurrerago, helduentzako ordutegiak finkatuko ditugu).

**B.** Zein kalitate behar dira karatea egiteko?

**M. H.** Hasiera batean, edozeinek egin dezake. Ondoren, batzuek karate gerriko beltza 3-4 DANA lortuko dute; beste batzuek, ostera, gerriko beltz edo marroia, baina oso kirolari onak izango dira. Azken finean hori da helburua.

**B.** Giartzuk zer espero du bertako karatekengandik?

**M. H.** Guztia. Batez ere, kirolari onak izatera heltzea.

KARATEA



## ESGRIMA

**B.** Kirola al da esgrima?

**M. H.** Boxeoaren edota borrokaren moduan, arma zuriekin egiten diren norgehiagoka da esgrima.

**B.** Nondik dator?

**M. H.** Kirol berri samarra dela esan daiteke. Halere, gladiadore erromatarrak izan daitezke kirol honen aitzindariak. Hauek, entrenamendu saio gogorak egin ostean, sasoi puntu onean eta borrokarako prest zeudenean bakarrik irteten ziren plazara.

**B.** Zeintzuk dira beharrezko kalitateak?

**M. H.** Mugikortasuna eta bizkortasun mentala nahiz fisikoa (ez badaukazu denborarekin lortuko duzu, horretarako dira eta entrenamenduak).

**B.** Emakumeek eta gizonezkoek berdin egin dezakete?

**M. H.** Guztiondako kirola da. Emakumeek, gizonezkoek bezain ondo egin baitezakete esgrima.

**B.** Garestia al da esgrima egitea?

**M. H.** Ez. Maskara eta ezpata beharrezkoak dira hasieratik. Gero, kirolaria kirol honekin identifikatzen hasten denean, eskuzorroa, txaketila eta prakak erosi beharko ditu. Dena dela, hasierako klaseetarako materiala gimnasioak emango dio.

## GIARTZU

**Boni Laskurain 3. Telefonoa: 943 76 35 71.**





# Eskuz binakako txapelketa abian

Joan zen zapatuan hasi zen herriko eskuz binakako pilota txapelketa. Hamasei bikotek hartuko dute parte txapelketan eta abendura arte jokatuko dute. Ondoren finalerdiak eta finalak izango dira.

Hirugarren urtez antolatzen den eskuz binakako pilota txapelketan bi mailatan arituko dira herriko pilotariak. Aurreko edizioetan asko nabaritzen omen zen jokalarien arteko aldea, eta aurten bi talde egin dituzte Olalde pilota elkartekoek. Antolatzaileek adierazi digutenez, "txapelketa orekatuagoa izatea" espero da.

Bi maila haueko lehenengo lau bikoteak finalerdietarako sailkatuko dira eta partidu guztiak 18 tantura jokatuko dira. Azken uneko aldaketak direla eta azaroaren 28ko partidua abenduaren 5ean jokatu da eta finalerdiak, berriaz, abenduaren 12an.

## 1. MAILAN

- Xabier Barkero - Iker Irizar
- Aitor Aranguren - Xabier Azkarate
- Jose Ramon Jauregi - Jose Mari Mendizabal
- Juan Simon Aristi - Luis Larrea
- Jose Mari Galeano - Joxue Madariaga
- Gorka Manso - Igor Larrea
- Eneko Lizarralde - Andoitz Aranburu
- Aitor Etxeberriarteun - Felix Agirre

## 2. MAILAN

- Ion Aranguren - Andoni Azkargorta
- Aitzol Jauregi - Xabier San Sebastian
- Gorka Azkarate - Oskar anaiak
- Iker Larrea - Aitor Larrea
- Iñaki Arbulu - Juan Jose Etxezarreta
- Julian Garitano - Juan Tomas Garitano
- Basili Ormazabal - Jose Mari Iturbe
- Jose Manuel Aranburu - Bittor Arbulu



Haritz Berraondorekin Mexikotik

## Zer moduzko giroa dago?

Pilotaleku bat baino gehiago direnez, ez da publiko asko egoten.

## Hotelean ondo?

Janaria ez da oso ona. Merkatua ere ikustekoa da: arrainak pilak eginda, haragia kamioietan txintziliz.

## Gauean ateratzen zarete?

Ez da oso gomendagarria izaten. Maria-txiak entzuten egon gara Garibaldi inguruan. 40 pesoren trukean zuretako kantatzen dute. Alde rosa esaten dioten zona oraindik ez dugu ikusi, baina han giro ona dagoela esan digute.

## Pilotalekua ikusi duzue?

Eguakitzean entrenatu ginen lehenengoz egunean bukatu zituzten eta obrak. 2.300 m-ak igartzen dira: bi karrerarekin, nekatuta. Aklimatatzen gaude.

## Zein da aurkaririk gogorrena?

Frantsesak eta mexikarrak.



## "Egingo dugu" kanpaina Antzuolan

Hiru milioi eta erdi PTA behar dira Antzuolan Egin ordezkatzeko duen egunkaria eratzeko. Horrela azaldu zuen Martin Garitano Euskadi Informacion egunkariko zuzendariak joan den eguaztenean Udaletxeko Pleno aretoan eman zuen hitzaldian. Horretarako herrian talde bat elkartuko da astelehenero, arratsaldeko 19:00etatik aurrera Udaletxeko Pleno aretoan. 3,5 milioiak egunkari berria eratzeko behar diren 1.000 milioi kanpainaren barruan sartuko lirarteke.



Euskal  
sukaldaritza

Eguneko  
menua

Kalebarren 7, ANTZUOLA Tf. 943 78 71 12



Juan Cruz



Orain, obrak direla eta,  
**Kalebarren 16an gaude,**  
**ANTZUOLAn.**



# Idolazen eskutik euskarazko filmeak

*Txotx, Laugarren galeriatik eta Bernar zinean*

Hiru filme labur hauek emango dira azaroaren 6an, eguakitza, zinean. Hiru filme laburrak euskaraz dira, 1997an eta 98an egindakoak. "Laugarren galeriatik" eta "Bernar" Jon Andueza mondrogoetarrek zuzendutako filme laburrak dira. "Txotx", berriz, Asier Altuna bergarrak eta Telmo Esnal zumarragarrek zuzendu dute.

**I**dolazek, Udalaren eta Gaztetxearen laguntzarekin, euskarazko filme laburren emanaldia antolatu du. Euskaraz egiten den zinearen eskasia ikusita, Idolazek egoki ikusi du hiru filme labur hauek herrian eskaintzea, euskaraz ere zine ona egiten dela erakusteko. Emanaldiak 55 minutu irauten du, dena den, gauza motzak ere onak direla erakutsi dute hiru lanen egileek. Hirurek hainbat sari eskuratu dituzte bai Euskal Herrian bai hemendik kanpo. "Laugarren Galeriatik" esaterako, Barakaldoko, Lekeitioko, Biasteriko eta Errenteriako Zine eta Bideo lehiaketetan sariak jasotako filme laburra dugu. Filme labur honetan jatorri ezberdineko bi pre-soen istorioa kontatzen da.

"Txotx" filmeak, izenak dioen bezala, sagardotegia du abiapuntu, baina herentzia arazoak direla eta gizaki okela bihurtuko da protagonista nagusi. Istorio zirrargarria da benetan eta horrek Donostiako Beldurrezko Zine Lehiaketan pelikula onenaren saria eskuratzea ekarri zien bi zuzendari.

Horrez gain, Bilboko Nazioarteko Filme Laburren Lehiaketan euskal peli-

kularik onenaren saria eskuratu zuen. Eta Iruneko eta Aguilar de Campooko Zine eta Bideo lehiaketetan ere pelikularik onenaren saria eskuratu zuen. Malagan, bestalde, bigarren gelditu zen eta Bidasoako lehiaketan 3. saria eskuratu zuen.

Azkenik, Jon Anduezaren azken lanean, Goenkale telesaillean horren eza-guna den Miren Gojenolak parte hartzen du, Gorka Zufiaurre eta Patxi Ugalderekin ondoan. "Bernar" filme laburrean haurdun dagoen argazkilaria baten eta Down sindromea duen mutil baten arteko harremana kontatzen da. Jonek lan honekin Elcheko Nazioarteko Filme Laburren Lehiaketan pelikularik onenaren saria eskuratu zuen orain dela gutxi.

## Emanaldi gomendagarriak

Ohartuko zinetenez, hiru filme laburrak erabat gomendagarriak dira dudu-

rik gabe. Euskaraz egindako hiru lanak azaroaren 6an, eguakitza, eskainiko dira zine aretoan. Emanaldia arratsaldeko 19:30etan hasiko da eta bertan izango dira hiru lanen zuzendariak, euren esperientziak kontatu eta ikusleek egin nahi dituzten galderak erantzuteko prest. Euren diotenez "ez dugu filme laburren emanaldi soila proposatzen. Gure asmoa bertara hurbildutako ikusleekin euskal zinemagintzari buruzko tertulia egitea izango da".

Emanaldia 300 PTA kostako da.



*Bernar da hiru filmeen arteko berriena.*

■ ■ ■  
 "Gure asmoa ikusleekin euskal zinemagintzari buruzko tertulia egitea da"  
 ■ ■ ■

**zabalo**  
 IGELTSEROTZA  
 Jose Luis Zabalo  
 Birgaitzeak • Fatxadak  
 Teilatuak • Sukalde eta bainu gelak  
 Kalegoi 9, 1a., ANTZUOLA. Tf. 943 76 60 89

**LARREA**  
**TABERNA**  
 Kalebarren 17  
 ANTZUOLA

**igok eta Txomin**  
 Pintura orokorrean.  
 Paper, tela, binilo, kortxo... estalduak.  
 Gotelesa, iztukuak eta  
 bestelako imitazioak.  
 ANTZUOLA BERGARA  
 ☎ 943 76 60 39 ☎ 943 76 19 98

**GAILUR**  
 taberna eta  
 gozotegia  
 Buztinzuri 13 ANTZUOLA  
 Tf. 943 78 70 32